

黃宗澤提供吃喝玩樂 封「大內總管」

冇份去鑽油台

陳豪呻人生污點



台前幕後對《執法者們》收視充滿信心。



黃宗澤（Bosco）於無綫新劇《執法者們》到鑽油台拍重頭戲，他坦言拍攝過程辛苦，但非常值得。該劇另一主角陳豪大呻冇份去鑽油台，非常羨慕Bosco，更笑言視為人生污點！

陳豪、黃宗澤、馬國明、羅子溢、陳滢、蔡潔和何依婷主演的無綫新劇《執法者們》今晚在翡翠台播映，昨日台前幕後到荃灣出席記者會為劇集造勢，吸引大批市民到場，場面墟口。Bosco、陳豪與馬明齊齊受訪，談到該劇在內地點擊量逾4億，Bosco笑言：「開心㗎！最緊要大家鍾意，拍得咁辛苦㗎。我哋一人一億都三億啦，餘下個一億其他（演員）分埋，哈哈！」

談到《執》劇的重頭戲於鑽油台拍攝，Bosco獲無綫高層樂易玲封為「大內總管」，負責提供吃喝玩樂，他說：「我哋創咗電視史首次喺鑽油台取景，我都係第一次去鑽油台咋！辛苦嘅，但Feel到大家齊心，因為大家都未經歷過咁嘅環境。」陳豪大呻：「我冇份去鑽油台係人生嘅污點，真係好羨慕Bosco，呢種經歷唔係人人可以體驗。」

談到劇中女兒何依婷已為人母，陳豪搞笑自稱榮升「公公」，自爆家中9歲囡囡開始憧憬戀愛：「我梗係灌輸中國人嘅思想畀佢，我都同佢講爹地成咗年先拍拖，佢冇其他選擇，哈哈！估唔到佢都係戀愛腦。（你好驚？）梗係驚啦，話畀佢聽掂吓手仔都好大件事。（你演何依婷爸爸，接受到演一個有咁大個女嘅爸爸？）喺戲劇世界乜都有可能，我都演過郭羨妮老實。」


吳啟華羅子溢傾唔停

吳啟華與羅子溢相隔9年再合作，兩人表示話題更多，因子溢已育有兩個小朋友，除了傾湊小朋友經，還會傾手錶。問啟華可想再演《妙手仁心》的經典角色「程至美」？他笑言冇所謂，演員就是什麼角色都演。

左起：馬國明、黃宗澤與陳豪都是視帝，於新劇大門演技。



左起：陳滢、蔡潔與何依婷落力宣傳新劇。



吳啟華（左）與羅子溢相隔9年再合作。



張與辰很欣賞高海寧的演技。

張與辰否認同性戀 向高海寧示愛

《中年好声音》系列歌手黃博、張與辰、周吉佩、支譽儀與譚輝智等，前晚在將軍澳電視城錄影《好声音夏日音樂會》。提到有傳張與辰被指獲同性密友Kelvin默默守護，他受訪時稱與對方一起開製作公司16年，是公司拍檔。他強調與Kelvin是兄弟情：「已經好似屋企人咁。」對於外界指他性取向成疑，張與辰笑言：「我鍾意高Ling（高海寧）咁嘛！好欣賞佢，佢好努力，演戲又好又靚女。（佢單身，你有機會㗎！）唔記住先，搞埋個音樂會先。（有冇佢電話號碼？）見過佢，但冇交換電話。」

提到他們在《中年好声音321經典大戰》拿着贊助商產品唱歌，問黃博演出時可感尷尬？她說：「呢個環節都係想感謝番贊助商，當時諗住唱歌，冇諗其他嘢。」



黃博近日推出新歌，落力宣傳。

Anson Lo生日應援停不了

為慶祝盧瀚霆（Anson Lo）7月7日踏入30歲生日，盧瀚霆國際後援會將舉辦一連串慶祝活動，6月27日至7月11日在九龍塘又一城舉行《Anson Lo & Sontos—Together We Glow Popup Store》，並連續第4年於7月7日邀請全港市民及遊客免費乘搭天星小輪，今年航線為往來尖沙咀碼頭及中環碼頭。另一重磅生日活動將於7月5日在西九文化區舉行「Anson Lo Charity Pet Walk」，屆時Anson Lo愛犬Amber亦獲邀出席。是次慈善行籌款活動範圍內設有受惠慈善機構攤位，希望大眾關注本港不同界別有需要的人士和動物。



Anson Lo生日當天，請全港市民免費搭天星小輪。